

186

2

39

東 京 圖 書 館

漢書門

雜史類

函

架

四號

二册

書頭

十八史略後編

卷三

日本贈田頭
頁校訂題書

十八史略後編卷之二

明治九年圖書局交付

英宗

清 曠敏本 著

名祁鎮宣宗子、改元正統十四年北狩、景泰元年、

還居南宮、○帝以王振太監掌司禮監事、閱武于將

臺、土木之禍基此○太皇太后張氏宣王振至、曰汝侍皇

帝起居多不法、今賜汝死、帝跪請宥之、得免○時

福建僉事廖謨、杖死驛丞楊溥、欲坐以償命、楊士

宥王振

竒欲擬以因公致死互爭不決請裁于張太后王
振因進言謂溥與驛丞同鄉士竒與僉事同鄉未
免皆有私意償命過重因公過輕宜對品降僉事
爲府同知張太后聽之自是振漸捃撫內閣之過
是時楊榮已死得無閒言○王振嘗謂三楊曰天
下事多虧三位老先生然三公亦年高倦勤矣後
當何如溥乃薦苗衷等入內閣士竒不悅溥曰一
日內閣出片紙指某某入閣吾輩束手矣此數人

薦苗衷

尚是吾輩人也士竒服其言初溥繫獄十年勵志讀書或止之曰讀書何用溥曰朝聞道夕死可也○帝嘗呼王振爲老先生○王祐侍郎貌美無鬚振一日問曰侍郎何無鬚祐曰老爺無鬚兒安敢有鬚○雷擊奉天殿鴟吻劉球侍疏言王振專權振下之獄使小校持刀斷球頭○吳師少性貪鄙其妻甚嚴正一日迎誥其妻呼子宣之問曰此誥辭是主上自言耶是翰林代草耶曰亦翰林代草耳妻歎曰翰林先生果不虛吳中一

劉球劾王振

吳中妻

薛瑄

李時勉

于謙

篇誥文止說他平生為人何嘗有清廉二字中聞

之雖恚仍彊作笑容○初王振問楊士奇曰吾鄉

人誰可大用士奇薦薛瑄乃以瑄為大理卿或勸

瑄詣振謝瑄曰安有受爵公朝拜恩私室耶已而

振嗾言官劾瑄下獄大臣申救得免瑄舉鄉試第

心道○王振往視大學李時勉時為祭酒不為禮振誣

以事枷時勉于國學門時勉與陳敬宗南京祭酒齊名

時稱南冰北李○于謙撫巡忤王振貶為大理少卿

河決張秋

瓦刺入寇

仍畱巡撫任謙每入京無土宜餽當路嘗有詩云

手怕蘑菇與線香本資民用反為殃清風兩袖朝

天去免得聞聞話短長○羅亨信撫巡上言也先俟

纛入寇宜設備不報○時河決張秋入海尋決熒

澤入淮河決之患自商已然漢時決酸棗決瓠子

東漢及宋初並鮮河患宋熙寧間始決澶州北流

斷絕河道南徙分為二派一達于淮一入于海黃

河入淮自茲始矣隋唐以前河自河自淮各自

遷徙之大畧也然前代河決惟壞田廬○瓦刺也

英宗北去

先大舉入寇，王振挾帝親征，百官伏闕懇留，不聽。駕至土木，為也。先擄去，先是北兵夾攻尚書曠瑩。

曠一從野請駕疾驅入關，而嚴兵為殿。王振不從。

遂留北庭，百官死者，張輔、曠瑩、曹鼐、學士等，凡數百。

人，軍士死者無算。王振在圍中，將軍樊忠持鐵鎚

鎚殺王振

鎚殺之。帝至敵營，盤膝面南坐，或勸也。先殺之。

伯顏帖木兒

伯顏帖木兒大怒呼也。先為那顏猶華言大人也曰：那顏

安用此人在旁開口，大明天子安得害之。當報中

鬻王山

國遣使來迎，眾皆曰：者者然辭也於是送帝居伯顏帖

木兒營伯顏也先之弟也。○孫太后命郕王權總萬機，以

于謙為兵部尚書。○籍王振家，鬻其姪王山于市。

族屬無少長，皆斬之。

景帝

名祁鈺，英宗之弟，初封郕王。英宗北去，奉孫太后

命即位，遙尊英宗為太上皇帝。改元景泰。在位七

議南遷

年。○也先寇紫荆關，廷臣議南遷。于謙厲聲曰：言

遷者可斬也。靖康覆轍，奈何蹈之。謙遣兵馬司悉燒城外倉場草料，曰：無以資寇也。○許貴大將言也。先請和，下兵部議。于謙曰：曩者遣使財賂方入穹廬，而敵騎已至關口。中國與也，先有不共戴天之讐，理不可和也。先貪而多詐，勢不可和。若能使之讐，理不可和也。先貪而多詐，勢不可和。若能使于謙功大被欲不得逞，上皇自必還矣。土木之變，謙之功大矣。當也。先擁英宗，諭下大同守者登陴謝曰：國有君矣，彼挾英宗為奇貨，而我淡漠應之，則其氣已奪。謙謀豈不偉哉！不然，鮮不為南宋矣。○也先遣人來議和，命楊善御史往報之。

英宗還

善至也，先甚喜，於是設宴饒英宗。伯顏亦饒焉。伯顏送至野狐嶺，哭曰：皇帝去矣。若也先伯顏如劉聰不為懷，英宗至京，與帝相持而哭。英宗居南宮，聽徽欽乎。

李賢忠言

○淮徐大饑，王竑都不待奏報，大發倉儲賑之。

商輅

○李賢中郎上正本十策曰：勤聖學，顧箴警，戒嗜慾，絕玩好，慎舉措，崇節儉，畏天變，勉貴近，振士風，結民心。○商輅學士輅鄉試會試廷試皆第一上言：口外田地極廣，守邊之要，且耕且守，如漢趙充國諸葛亮羊祜皆

有明效○帝立皇子見濟為皇太子未幾改封皇

太子見深英宗長子為沂王初帝欲易儲語金英太監曰

東宮生 七月初七日東宮生日也謂見濟英曰東宮生日是

十一月初二日謂見深帝默然○張睿侍郎劉鉉祭酒並

林聰 母喪奪情林聰給事抗言忠孝大節所關宜令終喪

且時無金革請循舊章○廖莊少卿章綸中郎鍾同御史

疏請帝朝英宗于南宮復汪皇后于中宮景泰三年廢居

鍾同諫官別復沂王于儲宮帝怒俱于杖鍾同杖死○帝不

王文 豫王文內閣與王誠太監謀欲取襄王世子立為東宮

其事漸洩興安太監諷羣臣請復立舊東宮王文曰

安知朝廷之意在誰羣臣乃請早擇元良以安人

心奏上不允石亨侯知帝疾必不起乃與徐有貞

英宗復位 副曹吉祥太監謀迎英宗復位遂揚言敵騎且薄都

城又言王文于謙取金牌敕符迎襄王世子去矣

吉祥入白孫太后命亨等率兵以迎吉祥收取諸

門鑰夜四鼓開長安門遂薄南宮毀垣壞門而入

殺于謙

袁彬

拔英宗升輿遂復位已而殺于謙及王文等籍其家廢帝仍為郕王未幾郕王薨○英宗之留北庭也隨侍者袁彬哈銘調護甚至至是俱擢指揮英宗復位

襄王瞻

耿九疇

改景泰八年為天順元年在位又八年前後共二十二年北狩一年居南宮六年壽三十八歲○襄王瞻來朝帝送至午門襄王頓首曰願皇上省刑薄斂為天下自愛○耿九疇都御史李賢丙閣等皆下

謫楊瑄

謫岳正

獄曹吉祥等陷之也俄而大雷電風拔吉祥門外樹翌日九疇等皆赦出○楊瑄御史劾曹吉祥石亨恃迎立功恣橫謫瑄遼東○岳正修撰言吉祥等恐為變謫正肅州正自題畫像云岳正好只是大膽惟帝念哉必當有感帝嘗謂左右曰岳正好只如是大膽正既謫帝思之如或赦汝再敢不敢臣嘗聞古人之言蓋將之死而靡憾也○吳與弼處士被召至京授左諭德與弼以秩卑不就職李賢薄之與弼跋石亨族譜自稱門下士○于謙之

竄徐有貞殺也徐有貞實陷之至是帝悟謙寬深惡有貞遂

發金齒為民初帝嘗密謂于謙曰徐有貞奸邪豈

堪為祭酒恐被教壞後生心術○石亨謀反下獄

死亨姪彪侯同謀亦伏誅○帝一日與李賢言及

迎駕奪門之功賢對曰迎駕則可奪門二字豈可

示後景泰不諱陛下宜復位何必奪門且內府之

門豈可奪使當時景泰左右先知之亨輩何足惜

不審置陛下于何地帝曰然此輩不過貪圖富貴

曹吉祥伏誅耳○曹吉祥謀作亂伏誅○初正統時京師旱御

小兒歌巷小兒歌曰雨地雨地城隍土地雨若再來還我

土地蓋雨地者與弟城隍者郟王再來還土地者

復辟也○阿羅入河套寇延綏河套地肥可耕桑

即周之朔方漢之定襄郡趙元昊所據以為國者

也明初殘元諸部落居漠北延綏無事正統以後

漸失其險始渡河犯邊○茹文中年一百十歲文

中究心書史而淡于勢利帝召見溫旨褒之○帝

△從信錄
雨地作雨
帝
阿羅入河
套

茹文中

禁殯御殉葬

不豫諭勿以殯御殉葬

憲宗

名見深英宗子改元成化在位二十三年壽四十

王淵上言

歲○時宦官用事王淵給事等上言近有無恥大臣

結交內臣或行叩頭之禮或有翁父之稱今後請

嚴結交之禁大小政事斷自宸衷惟與館閣大臣

計議天下幸甚周制以冢宰統閤事漢制以丞相

威顯

莫良于來○初盛顯御史劾石亨不法請知束鹿縣

賑濟流民

顯治縣有聲縣介真定保定二府間鄰境爭赴貿
易郊外有荒地遂聚以成市人因目為清官店○

李賓尚書奉勅賑濟流民議令官員軍民子弟納米

送監讀書帝不許曰學校豈出錢穀之所耶○李

賢奔父喪還京乞終喪不允命入閣視事羅倫撰

貶羅倫

劾之帝惡其狂貶之○帝復徵湖廣金沙洲江西

九江船鈔舊制此二處無收船鈔之例景泰中始

項忠

○固原土官滿四反官軍討之失利既而項忠都

彭時

史等討擒之忠堅主坐困之策故捷○帝命大臣

議慈懿皇太后錢氏葬所彭時相曰當合葬裕陵

或云慈懿無子宜別葬時執不可遂如時議諡孝

揚鼎

莊祈廟○時延綏用兵日久廷議欲預徵邊餉揚

鼎尚書上疏曰民罷財匱何可復議預徵夫千里餽

糧陸輓則艱舟運則易今之黃河即漢唐漕運故

道也若做古人倒倉之法以芻粟分貯水次溯流

徐運何憂不濟舟楫既通不惟民困得蘇且可帶

劉大夏

解鹽數十萬以溢淮課此萬世利也從之○帝定

漕米長運法舊例軍民互相轉運至是令官軍徑

赴江南水次交兌遂成良法○帝復設蘇杭鈔關

以戶部奏京庫歲用不足也又增置工部屬官三

員往蕪湖沙市杭城南專理抽分○帝好寶玩命

兵部查宣德間王三保出使西洋水程劉大夏為時

郎中先入檢得之藏置他處都吏檢查不得項忠

部尚書時為兵部尚書答之會科道連章諫事遂寢既而忠呼都

吏詰之大夏在旁微笑曰三保太監下西洋費錢糧數十萬軍民死者亦萬計舊案雖在亦當毀之

陰德不細

尚何追究其有無哉忠出位揖謝曰公陰德不細

朱英

此位不久屬公矣

後大夏官兵部尚書

○朱英總督兩廣積

羨四十餘萬悉付司計者不上聞或問之英曰若

進以希寵一有亟需從何取給英每有建白皆以

置西廠

愛民為主○帝置西廠命汪直大監提督官校刺事

商輅勅汪直

商輅相疏直罪惡帝革去西廠已而仍復西廠命

覃吉

汪直仍前刺事○覃吉

東宮內官輔導東宮動作舉止

悉道以正嘗曰吾老矣安望富貴但願天下有賢

阿丑詼諧

主足矣○阿丑

中書

善詼諧一日作醉人狀一人佯

曰某官至佯罵如故曰駕至亦如故曰汪太監來

矣即帖然或問何故曰吾知有汪太監不知有天

子時王越

都御史

陳鉞

都御史

媚直結為死黨丑復作

直持雙斧而行或問故曰吾將兵惟仗此兩鉞耳

馬文升

指王陳也

○馬文升

都御史

整飭邊務汪直嫉之下文升

獄○帝命汪直討建州弄兵之禍始此○汪直使郭鏜給事

等劾項忠下忠獄忠廷辯慷慨得除名時王越尹

旻尚書等謁直皆作叩頭禮長跪稟事獨項忠馬文

升不少屈陳建曰君子寧為玉碎毋為瓦全寧為項馬之除名謫戍毋為王尹之包羞忍

請祝瀾

取○祝瀾監丞奏天下府州縣廟像請易木主部議

瀾妄奏請雲南經歷瀾奏有理何乃被謫○王信湖廣都督上言

湖廣苗蠻實無能為但我軍利其竊發可以邀功

罷西廠

今但慎隄防其患自息○帝復罷西廠先是永樂

中設東廠以刺奸至成化設西廠以別東廠也○

陳憲章

陳憲章檢討究心理學嘗曰為學須在靜坐中養出

徐鏞劾汪直

箇端倪○徐鏞御史等劾汪直與王鉞戴縉尚書等結

為心腹天下知有西廠而不知有朝廷於是罷直

林俊直言

并其黨○林俊員外疏斥僧繼曉欺罔梁芳太監陰狠

王恕懷恩

帝大怒下俊獄王恕尚書抗疏申救懷恩太監助之得

解俊之下獄也事且不測懷恩望大臣疏救不至

忠義斯人而已

見恕疏歎曰天下忠義斯人而已○章瑾以進奉

寶石授鎮撫司命懷恩傳旨懷恩不肯傳帝命單

昌傳之懷恩怨余子俊尚書進諫子俊謝不敏懷恩

歎曰吾固知外臣之無人也時有紙糊三閣老泥塑六尚書之議○

陳選

陳選廣東布政布衣韋帶客至瓦器蔬食無愧色之官

廣東騎驢出都門其志以聖賢自期海內欽仰之

夏寅三惜

○夏寅布衣嘗語坐客曰君子有三惜此生不學一可惜此日間過二可惜此身一敗三可惜

孝宗

名佑檉憲宗子改元弘治在位十八年壽三十六

鄒智直言

歲○帝詔求直言時星變鄒智庶吉士言星變者陽不

能制陰之象也宜進君子退小人萬安相劉吉相

尹直尚書小人也王恕尚書王竑尚書彭韶都御君子也君

子不進小人不退宦官陰主之也願陛下法太祖

以待宦官法太宗以任內閣智四川人年十二能

焚葉讀書

文章家貧居龍泉庵掃樹葉焚之讀書達旦舉鄉

試第一成進士智領鄉薦時郡人集觀智馬上口占云龍泉庵內苦書生偶竊三巴

第一名、世上許多難了事、郡人何用大相驚、智獄中寫懷詩云、人到白頭終是盡、事垂青史定誰真、夢中不識身猶繫、又逐東風入紫宸、辭朝詩云、盡披肝膽知何日、望見衣裳只此時、但願太平無一事、孤臣萬死更何悲、○帝詔議祀廟禮、祀懿祖神主、別建廟

以奉之、歲暮合享、則祀主仍居舊位、應古禘祭之

丘濬

制、○丘濬上所著大學衍義補、○帝詔議孔廟從

祀、議孔廟從

祀、程敏政少言、孔子功德在萬世、必文與行兼者、乃可從祀、若戴勝身陷賊吏、劉向喜談神仙、馬融為梁冀草詔、殺李固、何休解春秋、黜周王魯、王弼

劉棉花

何晏倡為清談、王肅佐司馬昭篡魏、杜預為吏不廉、皆宜黜祀、謝鐸酒祭謂、吳澄出處不正、當黜其祀、帝命廷臣議之、吳寬學士以諸子抱遺經、專門講授、不可盡廢、於是從祀成、仍其舊、○劉吉屢被彈章、

李東陽

仍加官進秩、人稱為劉棉花、言愈彈愈起也、○帝命李東

陽參與機務、東陽四歲能作大字、景帝召見、把置膝、賜珍果、○帝籍李廣

黃白米

太家搜得一收簿、某送黃米幾百石、某送白米幾百石、黃米金也、白米銀也、科道請出簿按名究問、諸人爭赴

壽寧侯張鷟齡求救事得解。○華昶給疏言考官

程敏政賣題與徐徑唐寅詔黜徐徑等為民令敏

政致仕。○陝西地震馬文升疏曰陝西沿邊地震

不已此外敵侵陵之兆也中國兵衰將懦文恬武

嬉亟宜修德弭災。○帝倚任劉大夏每召入內廷

議政雖元勳輔相有不與聞者。○帝命建延壽塔

劉健相等諫曰梁武餓死臺城宋徽身斃五國皆

信佛之君也方今天災民窮賑濟無措若省寺塔

陝西地震

倚任劉大夏

劉健直諫

之費活生靈之命豈非延壽之道。○太皇太后周

氏崩諡孝肅葬裕陵先是帝召劉健等議祔葬禮

健等對曰先年奏議已定孝莊太后居左今大行

太皇太后居右合祔裕陵配享英廟其實漢以前

惟一帝一后唐始有二后宋有三后並祔者三后

立一所帝曰二后已非三后尤非禮也朕惟孝穆

太后朕生身母別祀于奉慈殿今朕欲奉太皇太

后于仁壽宮前殿他日奉孝穆太后于後殿其詳

議祔葬禮

議之吳寬議曰魯頌姜嫄闕宮春秋考仲子之宮皆為別廟自漢唐以來亦然宋始有並祔祭者原屬非禮然皆諸帝繼室生前作配非後世子孫嗣位追尊所生之比惟宋李宸妃沒仁宗悲慟追尊祔祭實不合禮於是奉孝肅周太后於奉慈殿中室孝穆紀太后居左中外稱合禮焉初帝母紀妃有娠萬貴妃患百方苦楚胎竟不墮乃誕帝○初進士李文祥與萬安孫弼璧同年安欲引文祥附己使弼璧延款于家屬題畫

畫鳩詩

鳩文祥作詩曰春來風雨尋常事莫把天恩作己恩安銜之

武宗

名厚照孝宗子改元正德在位十六年壽三十一

歲○帝新即位劉瑾舊東宮太監等用事○劉大夏劾

劉大夏劾劉瑾韓文

劉瑾瑾欲置之死李東陽救之得釋○韓文尚書劉

健等請誅劉瑾等王岳司禮監范亨太監等助之帝乃

詔捕瑾等下獄瑾反訴岳等交通外臣肆行無忌

帝立命收高等繫獄已而命瑾掌司禮監丘聚監太

諸閣益橫

提督東廠谷大用監太提督西廠諸閣益橫○先是

朝臣共攻瑾等期在必誅許進尚書曰此屬疏斥足

矣若竟此事恐有甘露之變已而果貽縉紳之禍

詩嘲東陽

○劉健謝遷相罷歸李東陽祖餞泣下有士瞰東陽出投以

詩云才名直與斗山齊伴食中書日又西回首湘江春水綠鷓鴣啼罷子規啼○時無東陽善類盡矣昧良鼓舌

○劉瑾于私宅票旨科道部屬皆

戴銑

行跪禮○戴銑等請黜權閣俱繫獄王守仁主事

疏救廷杖五十謫龍場驛丞在途有人隨偵將致之死至錢唐守仁知

伴投江

不免遂乘夜伴投江冠履浮水上浙司信之家人亦成服守仁潛附商舟浮海至閩入山遠遁或問

李夢陽

之曰爾有親在未免為累乃赴龍場○初李夢陽主事下獄書片紙與

康海曰對山字海救我惟對山為能救我海詣瑾夢

楊一清

陽得釋○楊一清總制下獄王鏊相李東陽救之得

釋○時有投匿名帖于丹墀者帖言劉瑾亂政瑾

收五品以下官三百餘人出午門跪聽處分暴烈

日中仆地死者十餘人至暮悉械送錦衣衛追究

劉瑾伏誅

東陽力言于瑾得釋○張冰監太言于帝曰劉瑾反

形已具宜早擒之且曰少遲我輩皆齏粉矣帝命

禁兵執瑾詔多官廷鞫坐瑾謀反凌遲三日○時

流賊橫行命谷大用討之賊舟至狼山遇颶風舟

覆賊盡死谷大亮大用等冒功膺爵○帝命調邊

江彬入京

兵入衛京師於是江彬大同遊擊入京○秦王維焯請

關中田為牧地廷臣請勿與帝怒令內官促草制

梁儲

相上制草曰昔太祖著令曰此土不畀藩封

非吝也念此土廣且饒藩封得之多畜士馬姦人

誘為不軌不利宗社今朕念親親畀地于王王母

多養士馬毋聽姦人誘為不軌危我社稷帝覽制

駭曰若是可虞其勿與○朱寧都督即錢寧也本

國姓後籍寧家胡江彬都督亦誘帝出居庸關至

至宣府

宣府令僧與婦人共車婦人各捧氣毬車既馳交

擊僧頭或相觸而墮帝大笑初彬于宣府治行宮

輦豹房珍玩實其中帝樂焉每稱曰家裏○寧王

宸濠反

孫燧
許達

宸濠反殺孫燧巡撫許達副使宸濠信帝星明江漢之

言聽舉人劉養正計養正講道學率兵攻安慶○王守

仁巡撫起兵討宸濠是時守仁已奉命往平福建之亂入南昌宸濠

還救守仁敗之于鄱陽湖宸濠保樵舍守仁縱火

燒之妻妃及宮人皆赴水死宸濠就擒歎曰昔紂

用婦人言而亡我不用婦人言而亡初宸濠蓄異志妻妃泣諫

不聽至是守仁求妻妃屍葬之○帝下詔南征時王守仁捷書未

至諸邊將在豹房者皆獻擒宸濠之策於是帝自

稱大將軍江彬張永張忠太監皆稱將軍所下璽書

改稱軍門檄未幾守仁奏至江彬欲縱宸濠侯帝

親擒之守仁不聽遂械宸濠由浙河進守仁見張

永備陳利害永然之遂以宸濠付永永見帝備言

守仁之忠時張忠譖之曰守仁必反試召之必不

來永密報守仁守仁被召即就道忠復拒之守仁

入九華山宴坐永復以聞帝曰王守仁學道人也

○是時帝在南京禁民間養猪及貨賣宰殺以朝廷姓

王守仁平宸濠

朱與猪同音也旬月之間到處減價殺賣○先是帝命張忠捕宸濠餘

王都堂不可犯

黨江西苦之守仁待北軍以禮北軍曰王都堂不

可犯也○帝班師賜宸濠死已而帝寢疾豹房崩

帝無嗣迎興獻王世子厚熹即位

世宗

名厚熹憲宗之孫興獻王之子改元嘉靖在位四

論詮號

十五年壽六十歲○帝命議興獻王稱號毛澄尚

請于楊廷和相廷和書漢定陶王宋濮王故事授

之乃議以益王子厚熹嗣興獻王稱孝宗為皇考

興獻王為皇叔父興獻王妃為皇叔母帝曰父母

張璁

可互易若是耶其再議於是張璁學士等疏言時議

欲考孝宗而叔興獻王者拘定陶濮王陳迹耳漢

哀帝宋英宗育于宮中有父子之道今皇上乃繼

統非繼嗣也況興獻王惟生皇上一人不可以為

人後孝宗本有武宗為之子不應重為之後於是

楊廷和

帝尊興獻為太皇帝尊妃母為太皇后楊廷和堅

持已說封還御批會乾寧宮小室災廷和以為興
 獻帝后加稱未協帝心動乃議以孝宗為考以興
 獻為本生既而桂萼主疏言當考興獻帝母興國
 太后而朝廷附廷和攻張璉桂萼於是何孟春侍
 揚慎修撰廷和之子等跪伏左順門大呼高皇帝孝宗皇
 帝聲徹大內帝命錄為首者下獄慎等乃撼奉天
 門大哭哭聲震闕世稱慎有學問此是何學問耶帝怒逮何孟春
 等分別戍邊予杖有杖死者已而定議稱孝宗曰皇伯

逮何孟春等

考孝宗后曰皇伯母獻皇帝曰皇考皇太后曰聖
 母○帝一日諭輔臣曰聖母欲謁世廟卿謂何如
 費宏相曰國初皇后謁太廟永樂時改謁奉先殿
 帝問張璉桂萼對曰唐開元禮原有皇后廟見之
 文永樂時止謁奉先殿非祖制也宏曰開元禮不
 可為法席書都御史曰璉所引皆婚禮今行大祭禮
 不可附會○璉萼曰周禮宗廟之祭王服袞冕而
 入立東序后服副禕而入立西序九獻各四拜是

天子與后共承宗廟也。宏等不能難，於是帝奉太后，行謁廟禮。○帝謂侍臣曰：朕觀唐書，見宦官李輔國、程元振、魚朝恩輩，皆恃功驕恣，然代宗去之甚易，惟在人君斷與不斷耳。漢末宦官尚無兵權，唐世以兵授之，遂劫脅天子，廢立在其掌握，使無威福可以動人，豈能為患。○王守仁伯討平廣西叛蠻，捷聞，桂尊忌之，論守仁挾詐專兵。霍韜詹言守仁撫勦得宜，以一肩分聖明南顧之憂，乃不以

王守仁平叛蠻

張璁秉政

林希元論荒政

為功，反以為罪乎。傳曰：閩以外將軍制之，又曰：大夫出疆，苟可以安國家利社稷，專之可也。況有便宜行事之旨乎。疏入不報。○時張璁進大學士秉政，盡革天下鎮守太監，民慶更生。○湛若水侍郎進所撰格物通要一百卷。○林希元評上荒政叢言，其言曰：救荒有二難，用人難，審戶難；有三便，極貧民便賑米，次貧民便賑錢，稍貧民便賑貸；有六急，垂死貧民急饘粥，疾病貧民急醫藥，病起貧民急湯水。

已死貧民急埋瘞遺棄小兒急收養輕重繫囚急
 宥恤有三權權借官錢以糶糴權興工作以助賑
 權貸牛種以通變有六禁禁侵漁禁攘盜禁遏糶
 禁抑價禁宰牛禁度僧有三戒戒遲緩戒詢文戒
 遣使○帝改稱孔子為先師易像為主○帝改張
 璠名字敬璠奉公守正第果于○張延齡鶴齡之弟皆慈
 壽皇太后弟也初李夢陽疏陳六漸末言貴戚驕橫之漸指鶴齡兄弟也以睚眦殺人
 下獄論死其兄壽寧侯鶴齡削爵○董懷理科言

易象為主

董懷理

國初軍餉倚辦屯鹽今屯田不興久矣請令各邊
 撫按親歷相度或募新軍或徙附近給以牛種待
 開墾成熟然後收租安邊足用無踰于此至于鹽
 法大壞宜先設餘鹽欲設餘鹽必多減正價正價
 減則私鹽自息私鹽息則正鹽自行正鹽價輕既
 利于商餘鹽收盡又利于竈兩利而國課充矣○
 帝詔加秉一真人禮部尚書陶仲文方師少師○時
 倭寇浙東朱統撫捕斬通番九十四人而言官劾

曾銑劾仇鸞

銑執暴卒。○曾銑按巡劾仇鸞總兵罪。既而俺荅掠遼

西嚴嵩相誣奏銑開邊啟釁夏言相附會誤國詔

殺曾銑夏言

殺銑奪言爵銑力請恢復河套言力主其議未幾

並殺言言頗驕嵩百計陷之言始無子妾有○沈

誦沈鍊

鍊歷經劾嚴嵩誦鍊保安鍊在保安嘗為木偶人一

時發三矢射之嵩聞大○揚繼盛外員劾仇鸞結俺

荅開馬市詔貶繼盛狄道縣典史已而俺荅入寇

揚繼盛劾嚴嵩

乃罷馬市鸞伏誅陞繼盛武選司繼盛復劾嚴嵩

遺蚌蛇膽

十罪五姦詔杖繼盛一百未幾殺繼盛繼盛之杖

張氏

也有遺蚌蛇膽者曰服之可禦杖繼盛笑曰吾自

有膽也繼盛妻張氏上疏請代夫死為嵩所持不

得上繼盛詣朝審口吟云風吹柳鎖滿城香簇簇

爭看員外郎豈願同聲稱義士可憐長板見君王

聖朝德厚如天地廷尉稱平過漢唐性癖從來歸

視死此身原自不隨楊臨刑詩曰浩氣還太虛丹

臨刑詩

心照千古平生未報恩雷作忠魂補○海賊犯江

鄒應龍

浙命趙文華侍郎祭告海神文華嚴嵩心腹也所至

索賄比海賊焚掠尤酷○鄒應龍御劾嚴世蕃侍郎

嵩嚴鵠千古世蕃子嚴鴻舍人世蕃子嚴年世蕃家奴羅龍文世蕃

門等不法因言嵩父子濟惡詔嵩致仕未幾寄食故舊家而

嚴嵩死

死世蕃發雷州衛充軍鵠鴻等邊遠充軍年錮獄

追贓年卽士大夫所稱萼山先生者也世蕃未至

新世蕃

雷州而返林潤御劾之詔斬世蕃籍嵩家其黨萬

海瑞

宋大理袁應樞副使鄔懋卿侍郎俱充軍○海瑞主疏

言朝政日弛玄修謬妄詔杖六十

穆宗

名載皇世宗子改元隆慶在位六年壽三十六歲

戚繼光

○徐階相等奏罷提督團營太監○帝以戚繼光

高拱

為薊鎮總兵○高拱相疏言兵乃專門之學預養

人材當自兵部始又言邊臣有功宜加以不測之

復海運

恩○王宗沐總兵請復海運從之

神宗

張居正

名翊鈞、穆宗子、改元萬曆、在位四十八年、壽五十八歲。○張居正相進帝鑑圖說、疏曰、人求多聞、事必師古、謹呈帝鑑圖說、善惡並陳、勸懲聿著、譬諸薰蕕異路、而臭味頓殊、水鏡澄空、而妍媸自別、庶幾稽古驗今、因人自考、高山可仰、毋忘終筭之功、覆轍在前、永作後車之戒。○帝出乾清宮、見一男子衣蟒、趨走張皇、侍衛執之、袖有佩刀、太監馮保鞫問何人、曰三屯營兵王大臣、保請下大臣東廠

執王大臣

究問、隨令家僕辛儒教之曰、但言自閤老高拱處來、欲陰行刺、上獄遂具、已而楊博尚書守禮都御史共詣張居正、力保拱無他、居正言于上、命馮保葛守禮朱希孝都督會勘、希孝使校尉密詢大臣、何自來、曰自馮保來、語盡出保口、校尉曰、汝若吐實、可免罪、及會勘、加大臣刑、大臣曰、初許我富貴、何刑也、保問誰主使、大臣曰、爾使我保問、爾言高相國何也、曰爾教我言希孝問、蟒刀何來、大臣言、馮家

僕辛儒所給保懼遂罷審既而大臣論斬拱得白

此馮保謀害高拱也野史以誣居正謬矣○張居正等進郊禮圖考疏

進郊禮圖考

言天地之祭宜遵高皇帝舊典定合祭之制歲以

正月上辛日行禮于南郊大祀殿夫合祀天地舉

以歲首人之始也卜以春初時之和也歲惟一出

事之節也為屋而祭行之便也先是壇而不屋○張居正

父喪訃至屢乞終制不允吳中行等劾居正忘親

帝怒予杖遣戍居正之功後代罕觀帝實不能離吳中行等何為者也居正

歸治喪帝曰先生雖行不可忘朕會遼東告捷帝

遣使馳報趣裝還朝○時河決崔鎮等處居正等

薦潘季馴都御往治季馴築隄建閘踰年告成○

潘季馴

帝謂張居正曰淮鳳頻年告災何也對曰此地荒

多熟少元末之亂實起于此今當大破常格急加

賑濟以安民生○居正卒羊可弘御追論居正罪

張居正卒

詔籍其家產不及嚴嵩二其子欲修自縊死潘季

馴奏居正有八旬老母衣食不周詔有司保全之

申時行

初帝在經筵讀色勃如也誤讀作背居正厲聲曰當作勃帝由是憚之居正蒙禍人比之霍氏膠乘
○申時行相等疏言連日以來陰陽失調伏奉諭旨務去妨害民生之政以圖消弭天災之實請略陳今日之急務一曰緩催徵以蘇民困一曰省刑獄以保民命一曰省文告以覈職業一曰信詔令以修政事一曰節用以挽末俗之敝尤望皇上以身率先儉如夏禹樸如漢文○海瑞卒于官檢篋中僅十五金○帝在毓德宮召申時行等至西室

援朝鮮

劉綎平揚應龍

時行等進云近來聖體常欲靜攝臣等久不瞻仰天顏但一月閒或三四次臨朝亦足慰羣情之望也○兵部言邊務久廢請于九邊各差科臣一員閱視從之遼東之失本此○朝鮮與遼接壤日本倭擁師入朝鮮朝鮮危急詔援之既而石星尚書聽無賴游客沈惟敬款貢之議倭去隨復犯乃復命劉綎都督討之惟敬伏誅○播州宣慰使楊應龍反劉綎討平之○王錫爵相疏言題覆宜慎聽納宜公甄別

宜先勤覈宜審勤批答以示聖斷平喜怒以調羣情御朝講以親庶務○時彗星近紫微垣帝出手書略曰彗星之變實屬非常頻年以來民窮財盡雖由供億煩費亦因有司貪漁其或以煩擾為精采以刻厲為風裁狡猾者市直以文姦闕苛者偷安而苟祿而撫按官偏信毀譽專任愛憎捷給鑽刺者登薦章悃悞無華者列下考勸懲倒置吏治何由得清今後但以小民得所為有司之賢否有

鄭貴妃賑
飢民

司稱職為撫按官之賢否有災地方亟宜踏勘議賑毋許苟且帝之手書其言則是○帝覽河南饑民圖鄭貴

王錫爵直
言

妃侍側見之惻然出私蓄五千金賑之帝稱善益以內帑五千○王錫爵乞歸臨行陳數事一宜戒怒天子怒匹夫聖人怒愚人怒之無益望皇上怒發能制怒後不遷一人主之精神無日不通于天地祖宗而郊廟二祀乃所藉以聯屬精神者然祖宗較天地更親切近來每遇廟享以大臣恭代萬

無可感格之理、望皇上習勞勤政、先自此始、今日議論、不患其多、而患其浮、以虛實為是非、以是非為賞罰、則道聽途說者、詘老成長慮者、進一章奏、留中、與久不御朝、使人相疑、相伺于影暗之中、其害甚大、一老成人、乃國家之元氣、亟宜愛惜、一方今最苦乏財、多方求利、害必參半、畢竟節用、較為穩著、一今天下爭談兵、臣以為不在募兵、而在練兵、一今內外諸臣、惟邊臣任最重、心最苦、亦惟

邊才最難得、而論事者、輕以筆舌侮弄之、使邊臣不畏敵、而畏議論、人人灰心解體、邊事愈不可為、

此條尤痛切、熊廷弼之殺、以此明之、亡以此、

○沈一貫入相、孫丕揚都

史都御

鄒元標、趙南星、尚書等、與政府相抗、時顧憲

東林黨議

成、郎講學東林、元標等附之、是為東林黨議之始、

而一貫等遂立浙黨、其後更相傾軋、垂五十年、○

李三才疏

帝詔開礦、礦使之害徧天下、○李三才

稅繁興、萬民失業、征權之使、急于星火、搜括之令、

密如牛毛、內使沿途掘墳、得財方止、如此景象、天

下安有不亂者、○富商吳時修、獻銀十四萬兩、詔

殺李贄、官其子為中書舍人、○張問達給事奏、妖士李贄所

撰藏書、惑世誣民、詔逮繫獄、贄自經死、○楚王華

奎、與宗人華越等相訐、華越奏、王非恭王子、郭正

域侍以為非、勦不明、沈一貫以親王不當勦、時正

域右宗人、而姚文尉給事疏言、正域構陷王、已而帝

以王為真、罷正域官、○時東宮已立、忽有投匿名

殺李贄

△下以字
下恐脫為
字

捕妖書

文書于各署者、大約言鄭妃欲危太子事、題曰續

憂危竑議、於是捕妖書甚急、沈一貫以楚獄事、恨

郭正域、嗾錢夢皋給事等、直指為正域所造、捕捉多

人、侮辱不堪、皇太子遣內監語一貫曰、先生輩容

我、乞全郭侍郎、正域為太子講
官知其清真○李化龍總督郭子

章撫等、以平播功、進爵有差、○趙世卿尚書言、礦稅

貂璫、隨帶多人、掘墳墓、毒子女、成何世界、○南京

九卿等、揭帖皆稱、時雨連綿、衢市盡成長河、魚鼈

葉向高

遊于人家二百年來未有之災也○葉向高相疏
言邊事危急而請餉不給今內帑充盈傳于中外
有如我馬一至誰為皇上守此者○時刑部缺員
請旨推補日久未允獄囚積至千人莫為問斷囚
米無措皆令鋪戶包賠○各省鄉試主考官閣臣
屢疏上請至七月終命始下場期皆誤○王日乾
百告孔學戶等謀害皇帝及東宮擁立福王帝震
駭葉向高請勿問既而御史以他事斃諸姦于獄

謀弒逆

丁詩放

○葉向高疏言近日藩籬未破攻擊不休非但不
廣抑亦不祥古人居廊廟之上則憂其民處江湖
之遠則憂其君出處雖異設心則同而門戶一分
猜嫌四起漢唐宋黨人之禍與國運相終始伏望
皇上迅發雷霆之勇俾人心翕服議論自息○丁
詩放事給言今日之爭始于門戶門戶始于東林東
林倡于顧憲成于玉立中郎附焉憲成自賢玉立自
姦賢姦各還其人而奔競招搖關通大內操縱朝

張差處死

權憲成而在寧願見之。○有張差者持棗木棍闖入東宮打傷內官皇太子奏聞發刑部審問詞連龐保太監劉成太監并侵鄭妃弟鄭國泰帝不欲窮其事諭將張差龐保劉成處死此外不許波及一人○是時有齊楚浙黨務以排東林攻道學為事因為大東小東之說以東宮為大東東林為小東帝已三十年不御朝惟此諸人久居要地時有當關虎豹之目○擢熊廷弼經略遼東○帝疾大漸皇

齊楚浙黨

熊廷弼

楊漣
左光斗

太子不得入楊漣給事左光斗御語王安東宮內侍曰上疾甚而不召皇太子非主上意也安泰忠直東宮多賴其調護

光宗

名常洛神宗子改元泰昌在位僅一月壽三十九歲○帝不豫內醫崔文昇下通利藥一晝夜三四十起楊漣劾文昇用藥之誤帝召諸臣入諭以國事復諭冊封李選侍為貴妃已而李可灼寺丞進紅

進紅丸

張差處死

權、憲成而在、寧願見之。○有張差者、持棗木棍、闖入東宮、打傷內官、皇太子奏聞、發刑部審問、詞連龐保、太監劉成、太監并侵鄭妃弟鄭國泰、帝不欲窮其事、諭將張差龐保劉成處死、此外不許波及一人。○是時有齊楚浙黨、務以排東林、攻道學為事、因為大東小東之說、以東宮為大東、東林為小東、帝已三十年不御朝、惟此諸人久居要地、時有當關虎豹之目。○擢熊廷弼、經略遼東。○帝疾大漸、皇

齊楚浙黨

熊廷弼

楊漣
左光斗

太子不得入、楊漣、給事左光斗、御史語王安、東宮內侍曰、上疾甚、而不召皇太子、非主上意也。安泰忠直、東宮多賴其調護。

光宗

名常洛、神宗子、改元泰昌、在位僅一月、壽三十九歲。○帝不豫、內醫崔文昇、下通利藥、一晝夜三四十起、楊漣劾文昇用藥之誤、帝召諸臣入、諭以國事、復諭冊封李選侍為貴妃、已而李可灼、寺丞進紅

進紅丸

九帝服之是夜崩時中外噴噴可灼恐有別情

熹宗

名由校光宗子改元天啟在位七年壽二十四歲

○光宗既崩李選侍猶在乾清宮左光斗奏請移

李選侍移

宮選侍乃移居仁壽殿既而流言日起楊漣因疏

宮

言臣等奏請選侍移宮所以正體統也乃移宮之

後竟有捏稱選侍欲自縊者並有稱皇八妹失所

至于投井者臣不得不言帝曰登極移宮事極公

正楊漣甚忠直著昭示中外以釋羣疑從前選侍

威挾朕躬有垂簾聽政之意臣工私于李黨不顧

大義并諭羣臣知之漣又疏言頃臣發明移宮始

末旋荷溫綸之褒臣實不安當時首請御殿者周

嘉謨尚書等也臣俯慚卑末豈可掩人于朝仰藉清

平何可貪天為力宮禁自就肅清社稷有何抗拒

而聖諭以志安社稷為言君幸有子不憂祀國之

揚漣乞休

天臣獨何人敢捧虞淵之日臣引分自思亟宜乞

惠世揚

休望放臣為急流勇退之人帝許之○惠世揚

給事

劾方從哲相無君當誅○馬三元御疏論熊廷弼

論熊廷弼

無謀欺君廷弼疏辨因請罷職張修德御復論廷

弼破壞遼陽廷弼疏言自神宗皇帝以半殘已壞

且夕待亡之遼交付臣手保全至今修德奈何矢

口狂言耶時魏應嘉給事等復論廷弼廷弼復疏辨

帝即令應嘉等往勘楊連奏請勘事勿遣言官若

使勘者即言者就令勘得偏真誰肯心服帝改命

朱童蒙給事往勘童蒙回奏廷弼有揮霍之雄才有

沈毅之雅度擔人之所不能擔忍人之所最不忍

任事纔十餘月而遼陽頽塌之賊如新喪膽之人

復定臣入遼陽官民士庶遮道而懇謂數萬生靈

皆廷弼一人之所留是其精力在於此其得謗亦

在於此也言官得之風聞臚列入告廷弼盛氣相

加屢疏致辨非所以待言官亦非大臣所以自待

也及帝復起廷弼為經略廷弼為王化貞巡撫所牽

起廷弼

制無所措其手足於是化貞逮問而廷弼亦聽劾

鄒元標等會審謂廷弼與化貞俱應斬而顧秉謙

相與魏忠賢太監俱亟欲殺廷弼廷弼遂不免廷弼舉鄉

試第一廷弼之殺也汪文言舍人為廷弼求緩決許

忠賢四萬金既而不與時忠賢欲殺楊漣左光斗

諸人遂誣文言求脫廷弼罪徧賂漣等於是按名

追贓諸人備受楚毒血肉狼籍已而斃漣光斗魏

大中少卿于獄周朝瑞少卿袁化中御史顧大章副使俱死

魏忠賢殺諸賢

忠賢二十四大罪

周起元等斃于獄

五人墓

世稱六君子廷弼之朝審也喬允升尚書欲從輕議大

中持不可君子之累也廷弼死而大中亦死矣初漣疏忠賢二十四

大罪忠賢深憾之○李實太監誣奏周起元撫託名

道學與周宗建御史繆昌期諭德周順昌員外高攀龍都御

史李應昇御史黃尊素御史親密大肆貪婪遂俱逮問

皆斃于獄順昌削籍被逮鄉人素德順昌捕騎至顏佩韋等倡眾擊之其後顏佩韋等五

人皆斬葬於蘇州虎丘旁號五人墓○初魏忠賢竇緣入宮與帝乳

母客氏通忠賢嫉王安剛正遂與客氏謀殺安時

侯震賜

開內操

侯震賜疏言、皇上于客氏始而徘徊眷注、稍遲其出、猶可言也、出而復入、不可言也、中涓羣小、煬寵借叢、王聖寵而煽、江京李潤之姦、趙嬈寵而構、曹節王甫之禍、可為寒心、帝不納忠賢、開內操、設萬人、衷甲出入、王俊內監試銃帝前、銃炸、帝幾危、馮貴人勸帝罷內操、客魏矯旨賜死、既而帝賜忠賢印、文曰、顧命元臣、客氏印、文曰、欽賜奉聖夫人、時崔呈秀侍郎附忠賢、書東林黨人姓名、進天監錄、葉向

進同志錄

建忠賢生祠

高韓爌相、趙南星、楊漣、高攀龍、左光斗等、又進同志錄、黃尊素、李應昇等、又真心為國、不附東林、顧秉謙、魏廣微相等、於時各省巡撫、建忠賢生祠、祝釐宗報、稱九千歲、其祝讚有云、堯天魏蕩、帝德難名、又云、至聖至神、中乾坤而立極、乃文乃武、同日、月以長明、監生陸萬齡謂、孔子作春秋、忠賢作要典、孔子誅少正卯、忠賢誅東林黨人、是時風節半出東林、小至無忌、乃至此乎、宜建祠國學西、與孔子並尊、方議舉行、會

毀周程祠

帝崩而止。又江西建祠，毀周程三賢祠，益其地。且鬻澹臺滅明祠，碎其像。比疏至，懷宗已登極，且閱且笑。○海寇鄭芝龍、蔭子等入犯銅山寨。

懷宗莊烈

懷宗

愍皇帝

名由檢，熹宗之弟。改元崇禎，在位十七年。○錢元

錢元慈

愍主上言，魏忠賢本梟獍之姿，先帝假以事權，羣

小蟻附，稱功頌德，布滿天下。如王莽之符命，列爵三等，畀及乳臭。如梁冀之一門五侯，徧植姦黨，分

魏忠賢伏誅

置要津，如王衍之三窟，與珍輦寶，藏聚肅寧。如董卓之郿塢，廣開告訐，誅鋤士類。如曹節、王甫之鈎黨，陰養死士，陳兵自衛。如桓溫之壁後，置人皇上，待以不死，宜勒歸私第。○錢嘉徵貢疏忠賢十罪，帝命內侍讀疏，使忠賢聽之。忠賢震恐，伏地不能起。○魏忠賢伏誅，磔其屍。未幾帝又寵太監張彝憲等矣。客氏及崔呈秀皆伏誅，並戮其屍。○阮大成大常論忠賢之罪，且言三朝要典，臣雖與名，由忠賢抑勒使然。

也。毛羽健御史劾大成黨邪害正。大成免官。○帝曰

一柄兩操。先朝分遣內臣協鎮要地。一柄兩操甚無謂也。其

逆案定罪。○帝詔逆案以七等定罪。首逆魏忠賢、客氏

罷之。○帝詔逆案以次定罪。○溫體仁尚書言

首逆同謀崔呈秀等。餘以次定罪。○溫體仁尚書言

錢謙益先年主試浙江。賄中錢千。秋詔削謙益籍。

○延安大饑。不沾泥。楊六郎等率饑民掠富家粟。

有司捕之急。遂羣聚為盜。李自成張獻忠從之。帝

起袁崇煥總督薊遼軍務。崇煥邀毛文龍總兵觀射。

縛而斬之。奏聞。帝殊駭。念文龍已死。遂暴其惡。以

磔袁崇煥。既而下崇煥獄。磔於市。以朝士論崇煥

引敵協和也。○鄭三俊尚書言。皇上宜保聖躬。以安

天下。凡損人神明者。憂勞為甚。嗜慾次之。益人智

慮者。師友為貴。載籍次之。我大清太宗皇帝親統

諸軍入邊。會於太凌河。城中大困。未幾祖太壽大將

軍降。○帝以洪承疇總督三邊。○孔有德反。登州

有德與耿仲明皆毛文龍帳下卒也。文龍死。走入

三

孔有德反

清兵入邊

磔袁崇煥

毛文龍

流賊起

削錢謙益籍

逆案定罪

一柄兩操

登州孫元化巡撫用為遊擊至是反未幾降我大清

尚可喜廣麗島副將遣人齎書詣瀋陽納款我朝以為

總兵○范淑泰給事陳時政一日臣工懷苟且之思

主勢孤也一日生財有道今日設處明日捐助祇

增金銀之聲價大小臣工且而廟朝夕而狂狴殊

汙聖世之衣冠國體卑也一日自臣下不能副君

上之求致君上漸有疑臣下之意宸斷偏也一日

自督責過嚴人情疑畏內外因循妄思規避臣節

范淑泰陳時政

盧象昇

偷也○盧象昇總督抵昌平力戰而死○帝命楊嗣

楊嗣昌討賊

昌督師討賊賜之以詩詩曰鹽梅今替作干城上將威嚴細柳營一掃寇氛

從此靖邊期既而嗣昌聞襄王福王遇害憂憤而

卒○是時賊移檄遠近有云君非甚暗孤立而煬

蔽恒多臣盡行私比黨而公忠絕少賄通官府朝

廷之威福日移利入戚紳閭左之脂膏盡竭又云

獄囚纍纍士無報禮之心征斂重重民有偕亡之

恨讀之者扼腕○帝諭諸勲戚大璫求助餉周奎

賊移檄

嘉定伯謝無有、王之心太監最富、僅獻萬金、後賊拷王

之心、追十五萬、周奎抄見銀五十三萬、○賊薄寧

武關、周遇吉總兵悉力拒守、已而兵敗、闔室自焚、李

自成歎曰、使守將盡周將軍、吾安得至此、○帝詔

徵天下兵勤王、或請南遷、帝怒曰、國家至此、無一

忠臣義士為朕分憂、而所謀乃若是、國君死社稷

朕志已定、毋復多言、因召諸臣問方略、或言當今

之急、無如考選科道、帝默然、既而歎曰、朕非亡國

李自成陷京師

之君、諸臣皆亡國之臣也、○李自成抵京師、內城

陷、帝命進酒、連沃數觥、歎曰、苦我民爾、命以太子

永王、定王、分送外戚家、周后至、撫太子二王、慟甚、

帝命之出、周后自經、帝召公主至、曰、爾何生我家、

揮刀斷左臂、手慄而止、尚衣監何新送公主至遂

登萬歲山壽皇亭自經、太監王承恩對縊、○先是

杜勳太監降賊、入城報賊勢、復出語王則堯、內曰、吾

輩富貴自在也、賊入京、恣意拷掠、搶奪、惟奉李自

懷宗死社

吳三桂

成令不敢入殉節諸臣之家我大清攝政王因吳

清兵入京

三桂遼東總兵乞師遂入京崇懷宗帝后諡號○李自

成陝西人也崇禎初秦中疊饑會四方勤王兵潰

因與饑民合勢嘯聚山澤其賊首有滿天星闖塌

天過天星八木王不沾泥混世王橫天王一字王

等號不可勝數蹂躪直省無虛日殺戮之慘天地

為黑有縛人夫與父而淫其妻女者有裸孕婦於

前共卜腹中男女剖而驗之為戲者有以大鍋煮

油擲孩子於內觀其跳躍啼號以為樂者此不忍

忍見自成初入不沾泥黨洪承疇擊破之會河南

饑饉民多附之舉人牛金星亦往投焉有卜者進

圖讖云十八孩兒當主神器自成喜遂率眾攻永

寧殺萬安王入洛陽焚福王府執福王置酒大會

以王為俎雜鹿肉食之號福祿酒尋陷西安秦王

遇害遂稱王僭國號大順改元永昌由昌平陷京

師自成入承天門關弓指門榜語諸賊曰我一矢

十八孩兒

福祿酒

射天字

中其天字必一統射之中天字下自成愕然牛金星趨進曰中其下當中分天下自成投弓而笑時有官民勸進其表文有比堯舜而多武功邁湯武而無慚德之句自成大喜檄召百官朝賀陞御座輒目眩頭暈自成之陷昌平也朝廷飛檄趣吳三桂入關比入關京師已陷三桂乞師我朝而後長驅以入自成急脅三桂父驥作書招三桂三桂致書絕父自成盡戮驥家三十八口三桂誓殺賊大

三桂破賊

定

教自成

敗賊于一片石自成狼狽還京誅諸勳戚率眾西行太子二王狹之而去大清定鼎自成兵敗後過通城羅公山邨人教之或曰自成在黔陽邨民教之先是陝撫汪喬年發自成祖墓燈火熒熒內一金蛇見日而飛喬年斬之相傳其穴為仙人所定壙中置鐵燈火日鐵燈不滅李氏當興及滅果敗數也○張獻忠亦陝西人也號八大王初由河南掠江北尋入楚與羣盜羅汝才合遂入蜀又出走襄陽焚襄王

獻賊

焚皇陵

府執王殺之獻忠拔郢西左良玉將軍擊之獻忠乃東馳焚皇陵樓殿斫松柏三十萬株殺守陵太監六十餘人將百姓盡斷一臂男左女右并聚嬰兒百千環薪焚之聽其哀號以為笑樂尋復入楚破漢陽直逼武昌執楚王掠宮中金數百萬初三司長史貸王金贍軍王不應至是楚人咸恨王之愚也賊以筏輿籠王沈之西湖賀逢聖相闔門殉難獻忠屠戮士民數百萬浮尸蔽江而下踰月江上

沈王
賀逢聖殉難

武昌魚不

人脂厚累寸武昌魚幾不可食獻忠據王府全楚俱陷拆桂王府至長沙造偽殿又遣將分陷江西已而入蜀破重慶瑞王合宮被難時雷雨晦冥獻忠仰面詬曰我殺人何與天事用大砲向天叢擊俄而天霽每朝會拜伏呼癸數十癸所嗅者引出斬之名曰天殺獻忠進陷成都蜀王率宮眷沒于井獻忠即偽位國號大西僭元大順設官分職以樊某為狀元自為一文歷評古帝王以項羽為最

大砲擊天

天殺

斬獻忠

史可法死
節
乞兒題詩

謂之御製萬言策獻忠惡文人姦詐貪汙及迂腐
偏見者大索全蜀紳士至成都皆磔之又懸榜試
士遠近爭赴至則以兵擊之凡二萬二千三百人
皆挾策而死棄筆墨若邱冢獻忠之仇視川人也
屠戮幾盡會我大清兵至漢中斬獻忠于順慶之
金山鋪○京師既陷懷宗兄由崧居南京一年時
左龍玉傳檄討馬士英未幾卒既而揚州城陷史
可法自殺有百川橋下乞兒赴水死乞兒題詩橋

黃道周

瞿式耜死
明亡

上曰三百年來養士朝如何文武盡皆逃綱常留
在身田院乞丐羞存命一條聿鍵居福州一年時
黃道周圖恢復不遂阮大成投崖死士英等伏誅
由柳居廣州遁入緬甸尋遇害瞿式耜張同敞俱
死

頭十八史略後編卷之二終

青木東園書

跋



生書多略戰伐之事而獨至
閩賊亦減絕之無之何也清人
每回家為天下子賊北正於所
曠也善本五氏其崇禎南後弘
光隆武永曆在終稱帝明統

36
2
39

弟能也清人何自福不主云子

賊守然候江有於清未可也

美也字今校法重換標因記

之似告之之續出者者者

明治九年甲子

高陽故田黃漢



明治九年三月十九日

板權免許
出版



東京五大區三小區下谷御徒士町二丁目八番地

頭書人

增田

貢

同區同町五番地

光風社長

出板人

龜谷

行

賣

大坂

柳原喜兵衛

西京

藤井孫兵衛

東京

石川治兵衛

同

大橋操吉

同

稻田佐兵衛

弘

